



Broj: 606/19
Sarajevo, 24.10.2019. godine

**OTVORENO PISMO ČLANOVIMA I RUKOVODSTVU
SINDIKAT DOKTORA MEDICINE I STOMATOLOGIJE KANTONA SARAJEVO**

Poštovane kolege,

Obraćamo vam se putem otvorenog pisma s obzirom da je Sindikat doktora medicine i stomatologije Kantona Sarajevo odbio saradnju sa Sindikatom radnika u zdravstvu u Kantonu Sarajevo navodeći, između ostalog, da „..... Naš sindikat se ne miješa u rad drugih sindikata niti ih ometa.....Tužbe koje ste podnijeli i najavljujete nove nisu u duhu sindikalne saradnje. Morate prekinuti sa tom praksom. Dok traje praksa tuženja neće biti saradnje. Vaše aktivnosti nanose štetu ne samo vašim članovima nego i našim. Mi se borimo za svoja prava, a ne protiv prava drugih i želimo da svima bude bolje“.

Na samom početku upoznaćemo vas da tužbe koje je podnio ovaj Sindikat su prvenstveno tužbe podnesene protiv Vlade Kantona Sarajevo, odnosno pojedinih resornih ministarstava, a iz razloga kršenja zakonskih odredbi od strane istih, što je potvrđeno i donošenjem presuda, odnosno rješenja kojim su uvaženi naši zahtjevi. To što se Sindikat doktora medicine i stomatologije Kantona Sarajevo pojavljuje u tim postupcima kao zainteresovano lice ili drugotuženi je zbog činjenice da ste u postupcima povodom kojih su podnesene tužbe bili jedna od stranaka. Da zaključimo, ovaj Sindikat ne podnosi tužbe protiv Sindikata doktora medicine i stomatologije Kantona Sarajevo, već protiv Vlade Kantona Sarajevo i njenih ministarstava, a zbog kršenja imperativnih zakonskih odredbi.

Da se vratimo ponuđenoj saradnji. U februaru tekuće godine pozvali smo Sindikat doktora medicine i stomatologije Kantona Sarajevo na saradnju radi izražavanja interesa u kolektivnim pregovorima i članova Sindikata doktora medicine i stomatologije Kantona Sarajevo i dostavili smo vam prijedlog Granskog Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo (u daljem tekstu: Kolektivni ugovor) kako bi se izjasnili da li ste saglasni sa istim ili imate primjedbe, prijedloge i sugestije na dostavljeni tekst. Naglašavamo da Kolektivni ugovor čini kompilaciju kolektivnog ugovora Sindikata doktora medicine i stomatologije Kantona Sarajevo i kolektivnog ugovora Sindikata radnika u zdravstvu u Kantonu Sarajevo, uključujući i koeficijente koje ste vi tražili za članove vašeg Sindikata. Nikada niste dostavili vaše izjašnjenje.

Zbog nepotpisivanja Kolektivnog ugovora, ovaj sindikat je organizovao generalni štrajk koji je još uvijek u toku. Koliko pojedini rukovodioci i članovi Sindikata doktora medicine i stomatologije Kantona Sarajevo opstruiraju i onemogućavaju uživanje prava na štrajk, prije svega „CITO uputnicama“ a onda i obavljanjem poslova drugih radnih mjesta, te rade protiv prava članova ovog Sindikata, a samim tim i svog članstva, svima je poznato iz sredstava javnog informisanja. Unatoč tome, a s ciljem postizanja zajedničkog nam interesa koji se ogleda u potpisivanju Kolektivnog ugovora pozvali smo rukovodstvo Sindikata doktora medicine i stomatologije Kantona Sarajevo na sastanak na kome bi razgovarali o reprezentativnosti sindikata i